



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Bonifacivs Episc. 14. Maii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

otio nemora, & ad suas admitti delicias propè cum convitio postulavit. PACHOMIUS, Theodoro copiam facit salutandæ matris, quâ se ille usurum negavit, ni spopodisset PACHOMIUS, eum sibi congressum olim fraudi non fore, quam in rem cautus senex fidem dare non sustinuit. Priusquam quieti se daret, fessa diurno labore membra sigillatim solabatur; quantillum enim superesse jamjam in beatitatis rosa collocandis? Quid ad hæc suaviludii nostri, qui nunquam in Dei causâ se meminere fatigatos? *Ex Metaphr.*

S. BONIFACIUS EPISC.

14. Maii.

Pvlchrè BONIFACIUS omnes nominis sui numeros implevit, puer jam multorum pater, nunc sine prætextâ, nunc etiam sine interulâ ad matris sinum redux, & verò jactabundus etiâ, quòd tam exiguis panniculis totum CHRISTVM potuisset tegere. Furtum tamen jam tum vel maximè damnavit, eoque vulpes, quæ subducere matri gallinas amabat, ad precantis pedes redire coacta, & rapta reddidit, & facinus morte spontè luit. Iam domi sive messem sive vindemiam habere illi cum libuit, licuit. Inde cum ditiores annonam flagellarent, matris omne frumentum in pauperes sparsit. Sed sementem  
hoc

hoc erat facere. Nam cum mater irasceret tam prodigo, ad ejus preces subita seges totum horreum complet. Sub hac cum spem vindemiæ ditioris grando dejecisset, Antistes jam Ferentinus paucillum vini, quod legerat, in omnes testas, ac dolia divisit, precando deinde tantum non exundare fecit. Certè vasculum mero plenum Gothi duo ex itinere accepisse se putaverant cœnæ fortè unius illecebram. Sed nimirum cellam illi promptuariam circumferebant, non minùs etiam, cum viam relegissent, divitem. Fuit cum bene egenis facturus ipse egeret, & duodecim aureos, nepotis peculium, prodigeret. Verùm cum ei nepos vehementius succenseret, ab imagine DEIPARÆ, totidem alios tulit. Receptit itaq; suum nepos, plus utique accepturus, si fœnori morâ dedisset. *Ex Dial. S. Greg.*

S. PONTIVS M. 14. Maii.

**P**ONTIVM vides, cujus operâ factū est, ne millesimus Romanæ urbis annus dæmonibus consecraretur; quod futurum iidem, PONTIO adhuc matris ventre abdito, permissu Numinis, agnoverunt. Iulia, id mulieri nomen fuit, Marci senatoris Rom. uxor, eo gravida, delubrum subierat, cum repente Flamen furiis incitatus, conceptâ mitrâ, hostem Deorum adesse exclamavit,